



越城縣廣勝寺

大宋新譯三藏聖教序 臣

太宗神功聖德文武皇帝製

大矣哉我佛之教也化導羣迷闡揚  
 宗性廣博宏辯英彥莫能究其旨精  
 微妙說庸愚豈可度其源義理幽玄  
 真空莫測包括萬象辭喻無垠綜法  
 網之紀綱演無際之正教披四生於  
 苦海譯三藏之妙言天地變化乎陰  
 陽日月盈虧乎寒暑大則說諸善惡  
 細則比於恒沙含識萬端弗可盡述  
 若窺像法如影隨形離六情以長存  
 歷千劫而可久須彌納藏於芥子如  
 來坦蕩於無邊達磨西來法傳東土  
 宣揚妙理順從指歸彼岸菩提愛河  
 生滅用行於五濁惡趣拯溺於三業  
 途中經垂世以難窮道無私而永泰  
 雪山貝葉若銀臺之耀日歲月煙蘿  
 起香界之自遠巍巍罕測杳杳難名  
 所以道資十聖德被三賢至道起於  
 乾元衆妙生乎太易摠繁形類寢鑿  
 昏明絕彼是非開茲蒙昧有西域法  
 師天息災等常持四忍早悟三乘翻  
 貝葉之真詮續人天之聖教芳猷重

本經卷第 第三卷

啓運偶昌時潤五聲於文章暢四始  
 於風律堂堂容止穆穆輝華曠劫而  
 昏墊重明玄門昭顯執範而彌光妙  
 法淨界騰音利益有情俱登覺岸無  
 成郭礙救諸疲羸冥昧慈悲浩汗物  
 表柔伏貪假啓滌昏愚演小乘聲聞  
 合其儀論大乘正覺立其性合靈悟  
 而蒙福藏教缺而重興幻化迷途火  
 宅深喻雖設其教不知者多善念生  
 而無量潛臻惡業興而隨緣皆愆調  
 御四衆積行十才澍華雨於金輪護  
 恒沙於玉闕有頂之風不可壞無際  
 之水弗能深澄寂湛然圓明清淨之  
 智慧性空無深妄想解脫之因緣可  
 以離煩惱於心田可以得清涼於宇  
 宙朕慙非博學釋典微聞豈堪序文  
 以示來者如糜塗燬火不足比之於  
 皎日將微蠶量海未能窮盡於深淵  
 者哉

繼作聖教序

御製

高明肇分三辰方乃序其次厚載初  
 定萬彙於以發乎端清濁之體既彰

善惡之源是顯然後以文物立其教以正典化其俗利益之功同歸於理於是乎像法來於西國真諦流於中夏洞貫千古真實之理無以窮盡括九圍玄妙之門莫能究言乎妄想則五蘊皆空現乃真容則一毫圓滿廣大之教豈能紀述者哉伏觀太宗神功聖德文武皇帝法性周圓仁慈普布化壘豹則萬邦輔濟濟烝民於仁壽之鄉崇教法則四海雲從惠蒼生於富庶之域見尊經之浩汗設方便以救沉淪和法界之恢宏行精進而攝懈怠乃擇其邃宇披寂寞文命天竺之高僧譯貝多之佛語象管翻成於金字珠編復置於瓊函龍宮之聖藻惟新驚嶺之苾芻仰歎由是三乘共貫四諦同圓盡苦空真正之言顯秘密精研之義讚相相乎實相論空空乎盡空華嚴之理合軌軌金像之教同規規朕續嗣丕構恭臨寶圖常翼翼而無地民每兢兢而守先訓以至釋典尤未精詳諒其幽深

曷能探測有譯經西域僧法賢奏章懇切致意專勤以先皇帝大闡真風高傳佛旨興前五之隆典振覺路之類綱欲旌天造之功庸用廣

聖文之述作請予製序繼聖教焉自聖考上僊追號罔息政事之外何暇經心今已禪除思臻微奧雖幼承慈誨奈夙乏通才焉窮乎法海之津涯莫造乎空門之闡域略敷大意以倘輿情踴躍不足擬浴日之波尺筆豈能量昊天之恩聊述短序以紀聖功者焉

六十頌如理論

龍樹菩薩造

真譯經三藏聖教宗卷之三龍樹菩薩造

歸命三世寂默主 宣說緣生正法語  
若了諸法離緣生 所作法行如是離  
離有無二邊智者無所依 其深無所緣  
緣生義成立若謂法無性 即生諸過失  
智者應如理 伺察法有性 若有性實得  
如愚者分別 無性即無因 解脫義何立  
不可說有性 不可說無性 了知性無性

大智如理說 涅槃與生死 勿觀別異性  
非涅槃生死 二性有差別 生死及涅槃  
二俱無所有 若了知生死 此即是涅槃  
破彼生有性 分別滅亦然 如幻所作事  
滅現前無實 若滅有所壞 知彼是有為  
現法尚無得 復何知壞法 彼諸蘊不滅  
深盡即涅槃 若了知滅性 彼即得解脫  
若生法滅法 二俱不可得 正智所觀察  
從無明緣生 若見法寂靜 諸所作亦然  
知此最勝法 獲法智無邊 緣生不可見  
是義非無見 此中微妙性 非緣生分別  
佛正覺所說 有說非無因 若盡煩惱源  
即破輪迴相 諸法決定行 見有作有取  
前後際云何 從緣所安立 云何前已生  
彼後復別轉 故前後邊際 如世幻所見  
云何幻可生 云何有所著 癡者於幻中  
求幻而為實 前際非後際 執見故不捨  
智觀性無性 如幻餘影像 若謂生非滅  
是有為分別 而彼緣生輪 隨轉無所現  
若已生未生 彼自性無生 若自性無生  
生名云何得 因寂即法盡 此盡不可得  
若自性無盡 盡名云何立 無少法可生  
無少法可滅 彼生滅二道 隨事隨處現

知生即知滅知滅知無常無常性若知  
 不得諸法底諸法從緣生雖生即離滅  
 如到彼岸者即見大海事若自心不了  
 異生執我性性無性顛倒即生諸過失  
 諸法は無常苦空及無我此中見法離  
 智觀性無性無住無所緣無根亦不立  
 從無明種生離初中後際癡闇大惡城  
 如芭蕉不實如乾闥婆城皆世幻所見  
 此界梵王初佛如實正說後諸聖無妄  
 說亦無差別世間癡所闇愛相續流轉  
 智者了諸愛而平等善說初說諸法有  
 於有求實性後求性亦無即無著性離  
 若不知離義隨聞即有著而所作福業  
 凡愚者自破如先平等說彼諸業是實  
 自性若了知此說即無生我如是我說  
 皆依佛言教如其所宣揚即蘊處界法  
 大種等及識所說皆平等彼智現證時  
 無妄無分別此一若如實佛說為涅槃  
 此最勝無妄無智即分別若心有散亂  
 與諸魔作便若如實離過此即無所生  
 如是無明緣佛為世間說若世無分別  
 此云何無生若無明可滅滅已即非生  
 生滅名乘遠無智起分別有因即有生

無緣即無住 離緣若有性 此有亦何得  
 若有性可取 即說有生住 此中疑復多  
 謂有法可住 若善提可證 即處處常語  
 若住性可取 此說還有生 若謂法有實  
 無智作是說 若謂法有處 取亦不可得  
 法無生無我 智悟入實性 常無常等相  
 皆由心起見 若成立多性 即成欲實性  
 彼云何非此 常等生過失 若成立一性  
 所欲如水月 非實非無實 皆由心起見  
 貪瞋法極重 由是生見執 諍論故安立  
 離性而執實 彼因起諸見 見故生煩惱  
 若此正了知 見煩惱俱盡 當知法無常  
 從緣生故現 緣生亦無生 此最上實語  
 眾生邪妄智 無實謂實想 於他諍論與  
 自行顛倒轉 自分不可立 他分云何有  
 自他分俱無 智了無諍論 有少法可依  
 煩惱如毒蛇 若無寂無動 心即無所依  
 煩惱如毒蛇 生極重過失 煩惱毒所復  
 云何見諸心 如愚見影像 彼妄生實想  
 世間縛亦然 慧為解所縛 性喻如影像  
 非智取境界 大智本不生 微細境界想  
 著色謂凡夫 離合即小聖 了知色自性  
 是為最上智 若善諸善法 如離貪顛倒

猶見幻人已 離所作求體 知此義為失  
 不觀性無性 煩惱不可得 性光破邪智  
 智離深清淨 亦無淨可依 有依即有染  
 彼淨還生過 極惡煩惱法 若見自性離  
 即心無動亂 得渡生死海 此善法甘露  
 從大悲所生 依如來言宣 無分限分別  
 此中如是難可說 隨智者見即成就  
 智者隨觀隨順門 如是皆從大悲轉  
 一切法中真實性 智者隨應如理觀  
 所向由是信得生 拔彼眾生離諸苦  
 此義甚深復廣大 我為勝利故讚說  
 如大智言今已宣 自他癡闇皆能破  
 破彼癡闇煩惱已 如如所作離魔都  
 由是能開善趣門 諸解脫事而何失  
 持淨戒者得生天 此即決定真實句  
 設破戒者住正心 雖壞戒而不壞見  
 種子生長非無義 見義利故廣施作  
 不以大悲為正因 智者何能生法欲  
 六十頌如理論 直

六十頌如理論

校勘記

- 一 底本，金藏廣勝寺本。
- 一 七一二頁中一行至次頁中一三行兩篇聖教序文，〔續〕、〔普〕、〔南〕、〔徑〕、〔清〕無。
- 一 七一二頁下三行第二字「契」，〔麗〕作「墊」。
- 一 七一三頁中一〇行末字「徇」，〔麗〕作「徇」。
- 一 七一三頁中一六行譯者，〔徑〕、〔清〕作「宋西天三藏朝奉大夫試光祿卿傳法大師施護奉詔譯」。
- 一 七一四頁中八行「常等」，〔麗〕作「常得」。
- 一 七一四頁下一六行「住正心」，〔續〕、〔普〕、〔南〕、〔徑〕、〔清〕作「生正心」。